



UNIVERSITÄTS-
BIBLIOTHEK
PADERBORN

**Sancti Epiphanii Episcopi Constantiæ Cypri, Opera Qvæ
Extant Omnia**

Epiphanius <Constantiensis>

Coloniæ Aggripinæ, Anno M.DC.XVII.

Ex Apparatu Sacro Anton. Posseuini. P. Vitæ Epiphanii Summa.

[urn:nbn:de:hbz:466:1-80258](https://nbn-resolving.org/urn:nbn:de:hbz:466:1-80258)

EX APPARATV SACRO

Anton. Possuini. P.

Vita Epiphani Summa.

Epiphanius in Phœnicia Oppido non procul ab Eleutheropoli, ex infimis, & obscuris natalibus ortus, in tenera adhuc ætate patre orbatus, cum vidua matre, & sorore virgine Calitrope relinquitur. Quibus cum adeo tenues essent fortunæ, vt vix commodè alerentur, eorum inopiam miseratus Triphon, Epiphaniū sibi adoptauit, & matri, & sorori necessaria ad victum suppeditauit.

Erat Tryphon professione Iudæus, & in lege Moysis non mediocriter instructus, qui eo etiam consilio Epiphaniū in familiam asciuit, vt filiam ei, quam vnica habebat, matrimonio iungeret. Degebat itaque cum Triphone Epiphanius, ætate, & Hebraica sapientia proficiens, cum decedente tam eodem Tryphone, quam eius filia hæres, ex asse ab eo scriptus est. Quare opulenta hereditate potitus, matrem iam vita defuncta, sororem in domum recepit, cum qua iucunde vitam agebat. Euenit autem, Deo ita disponente, vt Epiphanius in vicum, in quo natus erat, egresso, inopinato quidem opportuno tamen euentu, vir quidam occurreret, religione Christianus, Lucianus nomine, doctrina, & virtute clarissimus, quique vitam monasticam profitebatur: à quo persuasus, & in fide Christi vna cum sorore instructus, demum omnibus suis opibus pauperibus erogatis, ab Episcopo loci baptizatur, & sub Luciani monastico instituto Christum sequitur: Traditur autem à Luciano Hilarioni in disciplinam, cuius doctrinam, & egregios mœurs effingens Epiphanius, splendorem tanti magistri illustriorem reddidit. Fulgebat indies miraculis, & per remotissima quaque loca sanctitatis eius vagante fama, adeo magna hominum turba ad eum confluebat, vt in monasterio quietas ac religio spectata fuit: inde ad propria reuersus, Hilarionem ad Cyprum nauigasse cognouit, quem inuisere cupiens Paphum nauigauit, & in Hilarionis congressu incredibilem fuit lætitia perfructus; iussu vero Hilarionis Salaminem petiit, cum eam Ecclesiæ pastore destituta, pro Episcopo sibi vili eligendo supplex Deum precaretur: exaudiuit itaque preces supplicum clementissimus Deus, & ex Pappi Episcopi Cytriæ sanctitate mirabilis, prædictione repertus Epiphanius, principio recusans tantam dignitatem Salaminorum tandem Episcopus creatur: quo in onere ita segegit, vt doctrinam vitam, & vitam doctrina comprobaret. Fuit semper acerrimus hæreticorum oppugnator, aduersus quos edidit Opus insigne, *Panarion* nuncupatum. Actio Valentinianorum Episcopo blasphemum os obstruxit, omnibus, qui eius sectæ erant, ad fidei sinceritatem reuocatis Huius, & aliorum hæresibus conspiratam Cyprum expurgauit, & edicto à Theodosio obtento, hæreticos omnes ex Insula eiecit, ante & post adeptū Episcopatum miraculis clauit: nam & plurimos mortuos suscitauit ad vitam, cæcis visum restituit, multos ab immundis spiritibus vexatos liberauit, atque alia innumera edidit miracula: tandem ab Eudoxia in Ioannem Chrysostomum odio flagrante, Constantinopolim accersitur, quem cum illa multis pollicitationib. in eam sententiam pertrahere conaretur, vt Chrysostomum deponeret, nunquam tamen ille ab integritate dimoueri potuit. Quamobrem ab Aula Imperatoris proficiscitur, & ingressus nauim, vt in Cyprum remearet, socios ad vitam innocentiam, & ad fidei constantiam hortabatur: iam enim Dominus seruum super pauca fidelem, super multa constituere, & ad gaudium introducere volebat. post effusas igitur ad Deum preces, socios complexus est: quibus inquit *Salui estote filii, Epiphanius enim non vos amplius videbit in hac vita*, atque statim Deo tradidit spiritum, cum esset ætatis centum, & quindecim annorum, & trium mensium.

Nam ipse antequam nauim conscenderet, Arcadio de ætate interroganti testatus est, sexagesimo ætatis anno ad Episcopatum promotum, & in eo per quinquaginta quinque annos, & menses tres vixisse. Postea vero nauis Salaminem appulsa, & mortis tanti Antistitis nuntio diuulgato, magno cum populi totius fletu, & lacrymis sepultus est. Ceterum qui de Epiphanio scripsere, fuerunt Hieronymus epist. 16. & in Apol. 2. aduersus Rufinum, & Theophilus inter ipsos Hieronymi Opera lib. 2. epist. 67. ad ipsum Epiphaniū. Augustinus in lib. de hæresibus ad Quoduult deum. Socrates histor. lib. 6. cap. 9. 11. 13. Sozomenus lib. 6. cap. 32. & lib. 7. c. 26. lib. 8. c. 14. & 15. Nicephorus lib. 2. c. 46. lib. 12. c. 46. lib. 13. c. 13. & 14. Cassiodorus lib. 9. ca. 48. lib. 10. c. 11. & 12. & 13, qui Io. Chrysostomi gesta conscripserunt. Leone Imp. Gregorius Alexand. & Suidas. At & Epiphaniū meminit secunda

Nicæna Synodus. Vide etiam Casarem Card. Baron. in Notis ad Martyrologium die 12. Maij.

Vltima Epiphani verba.
Actus Epiphani.